

HEBREOJOB

¹ Ti oñiyi Dios tsi' c'aññΛ jini x'alt'añob cha'an mi' pejcan lac ñojte'el. CabΛl tsi' pejcayob ti chajp ti chajp che' bajche' yom ti jujunyajl.

² WΛle, ti ili cojix bΛ q'uin tac tsa'ix i c'aññΛ i Yalobil i pejcañonla. Tsi' wa'choco cha'an mi' yΛq'uentel pejtelel chuqui tac an. Tsi' c'aññΛ ti' melol pejtel chuqui tac an.

³ Mi' wen ac' ti tsictiyel i ñucler i Tat. Mero DiosΛch ajñel. I tsictiyemlelΛch i Tat. Ti' p'Λtlal i t'an mi' cΛntan pejtel chuqui tac an. Che' bΛ tsa' ujt i bajñel poc lac mul, tsa' buchle ti' ñoj jini C'ax Ñuc BΛ am bΛ ti chan.

⁴ Ñumen ñuc bajche' jini ángelob, come ñumen ñuc tsa' otsΛbenti i c'aba' bajche' ángelob.

Ñumen ñuc i Yalobil Dios bajche' ángelob

⁵ Come Dios ma'anic ba' ora tsi' sube ángel mi' juntiquilic: “Jatet Calobilet. WΛle tsa' ochiyon ti a Tat”. Ma'anic ba' ora tsi' sube ángel: “A Taton, calobilet”. Mach che'ic tsi' yΛΛ.

⁶ Che' bΛ tsi' choco tilel ti pañimil yΛx alΛl bΛ i Yalobil, Dios tsi' yΛΛΛ: “La' i ch'ujutesañob Calobil pejtelel ángelob”, che'en.

⁷ Dios tsi' yΛΛΛ cha'an jini ángelob: “Ora jach mi' majlelob i yángelob che' bajche' ic'. Lajalob jini x'e'telob i cha'an bajche' c'ajc mu' bΛ ti lejmel”, che'en.

⁸ Pero che' b_Λ tsi' pejca i Yalobil tsi' y_ΛΛ: “Buchulet Dios ti a yum_Λntel, ti pejtelel ora. Ti a yum_Λntel mi caj a mel chuqui toj.

⁹ Tsa' mula chuqui toj. Tsa' ts'a'le jontolil. Jini cha'an joñon, a Dios, tsa'ix c ñumen aq'ueyet i tijicñ_Λyel a pusic'al bajche' yaño' b_Λ”, che'en.

¹⁰ Tsi' y_ΛΛ ja'el: “Jatet yum_Λlet, ti' cajibal tsa' wa'choco jini pañimil. Jini cha'an i melbal_Λch a c'_Λb.

¹¹ Mi' caj ti jilel jini pañimil yic'ot panchan, pero mi caj a ch_Λn ajñel. Mi' caj ti tsuculiyel jini pañimil yic'ot panchan che' bajche' bujca_Λ.

¹² Mi' caj a b_Λl che' bajche' mi' b_Λjlel tsuts. Mi' caj ti q'uextiyel. Pero ch_Λn junlajalet ti pejtelel ora. Ma'anic mi caj i jilel a jabilel”, che'en.

¹³ Dios ma'anic ba' ora tsi' sube ángel: “Buchi' tic ñoj jinto mi c_Λq'ueñet a jisan a contrajob”. Mach che'ic.

¹⁴ Pejtelel jini ángelob, ¿mach ba espíritujobic mu' b_Λ i cha'leñob e'tel? ¿Mach ba chocbilobic tilel cha'an mi' c_Λntañob jini mu' b_Λ caj i colt_Λntelob?

2

Jini ñuc b_Λ laj colt_Λntel

¹ Jini cha'an wersa yom mi lac wen ac' ti lac pusic'al jini t'an tsa' b_Λ la cubi ame laj c_Λy mi mach y_Λx_Λlic la co.

² Isujm i t'an jini ángelob. Majqui jach tsi' ñus_Λbeyob i t'an tsi' wersa tojoyob i mul, come ma'anic tsi' jac'_Λyob.

³ ¿Bajche' mi mejlel lac puts'el joñonla mi woli lac ñusan jini ñuc b_Λ laj colt_Λntel? Lac Yum tsi' teche i

subol laj coltΔntel. Jini tsa' bΔ i yubibeyob i t'an, tsi' cha' subeyonla ti isujm.

⁴ Dios tsi' teme i t'an yic'otob che' bΔ tsi' pΔsa i sujmllel i t'an, yic'ot cabΔl i yejtal tac i p'Δtlalel, yic'ot bΔbΔq'uen tac bΔ, yic'ot ñuc tac bΔ i melbal. Tsi' yΔq'ueyob i c'Δñibal ti chajp ti chajp yic'ot jini Ch'ujul bΔ Espiritu che' bajche' yom i pusic'al.

I Yaj Coltaya winicob

⁵ Come Dios ma'anic tsi' yΔc'Δ ti' wenta ángelob jini tal to bΔ pañimil mu' bΔ lac sub.

⁶ Ts'ijbubil chuqui tsi' yΔlΔ David ti salmo: “¿Chucoch ma' wΔc' ti a pusic'al winicob x'ixicob? Yic'ot i Yalobil Winic, ¿chucoch ma' c'uxbin?

⁷ Tsa' poj ac'Δ ti chumtΔl ti pañimil ba' mach i tajayic i ñuclel ángelob. Tsa' wΔq'ue i ñuclel yic'ot i c'uxbintel ti' tojlel pejtelel chuqui tac an.

⁸ Tsa' wΔq'ue i yumΔntel ti' tojlel pejtel chuqui tac an”, che'en. Che' bΔ tsi' yotsa ti' wenta pejtelel chuqui tac an, ma'anic tsa' cΔle chuqui mach aq'uebilic ti' wenta. WΔle maxto añic woli laj q'uelben i yumΔntel.

⁹ Pero mi laj q'uel Jesús, tsa' bΔ poj peq'uesΔnti ba' mach i tajayic i ñuclel ángelob, tsa'ix cha' aq'uenti i ñuclel yic'ot i c'uxbintel, cha'an tsi' yΔc'Δ i bΔ ti chΔmel, come ti' yutslel i pusic'al Dios tsa' chΔmi cha'an pejtelelonla.

¹⁰ Dios tsi' mele pejtel chuqui tac an. Woli' cΔntan cha'an mi' tsictesan i ñuclel. Yom mi' yΔq'ueñob i ñuclel pejtel i yalobilob. Jini cha'an tsi' ts'Δctesa i ye'tel ti Jesucristo la caj Coltaya che' bΔ tsi' yΔc'Δ ti wocol cha'an mi' coltañonla cha'an mi' lac taj lac ñuclel ti' tojlel.

11 Jini mu' b_Λ i s_Λq'uesan winicob x'ixicob yic'ot jini mu' b_Λ i s_Λq'ues_Λntelob an jach juntiquil i Tat ti pejtelo**b**. Jini cha'an ma'anic mi' cha'len quisin Jesús che' mi' yermanojiñob.

12 Tsi' y_ΛΛ: “Mi caj c tsictes_Λbeñob a c'aba'. Ti' tojlel jini temp_Λbilo' b_Λ mi caj j c'ayin a ñuclel”, che'en.

13 Tsi' y_ΛΛ ja'el: “Mi caj c wen ñop Dios”. Tsi' cha' a_Λ: “W_Λ' añon quic'ot calobilob tsa' b_Λ i y_Λq'ueyon Dios”, che'en.

14 An i b_Λc'tal yic'ot i ch'ich'el i yalobilob. Jini cha'an Jesús tsi' taja i b_Λc'tal yic'ot i ch'ich'el ja'el cha'an mi' y_Λc' i b_Λ ti ch_Λmel. Che' b_Λ tsa' ch_Λmi tsi' jisa jini am b_Λ i p'_Λt_Λlel cha'an mi' y_Λc' ti ch_Λmel winicob x'ixicob, jiñ_Λch xiba.

15 Che' jini tsi' jiti pejtelel jini c_Λch_Λlo' b_Λ ti xiba, mu' b_Λ i cha'leñob b_Λq'uen come mi' cajelob ti ch_Λmel.

16 Melel ma'anic mi' coltan ángelob. Mi' coltan i p'olbal Abraham.

17 Jini cha'an wersa tsi' ch'_Λm_Λ i b_Λc'tal Jesús lajal bajche' i b_Λc'tal i yermanojob cha'an mi' yochel ti c'ax ñuc b_Λ motomaj yujil b_Λ p'untaya. Xuc'ul i pusic'al ti' ye'tel Dios cha'an mi' tojbeñob i mul pejtelel winicob x'ixicob.

18 Tsi' yubi wocol che' b_Λ tsa' p_Λjyi ti mulil. Jini cha'an mi' mejlel i coltan jini woli b_Λ i p_Λjyelob ti mulil.

3

Ñumen ñuc Jesús bajche' Moisés

¹ Jini cha'an ch'ujul b_Λ hermanojob, jatetla woli b_Λ la' p_Δjyel ti Dios, q'uelela Cristo Jesús, jini chocbil b_Λ tilel. Jiñ_Λch c'ax ñ_{UC} b_Λ motomaj lac cha'an mu' b_Λ lac ñop.

² Xuc'ul tsi' melbe i ye'tel Dios tsa' b_Λ i wa'choco, che' bajche' xuc'ul tsi' mele i ye'tel Moisés ti' tojlel i cha'año' b_Λ Dios.

³ Jini xmel otot ñumen an i ñucl_Λel bajche' i yotot. Che' ja'el ñumen yom mi laj c'uxbin Jesús bajche' Moisés come ñumen ñuc.

⁴ Ti jujump'ejl otot añ_Λch majqui tsi' mele. Pero jini tsa' b_Λ i mele pejtelel chuqui tac an, jiñ_Λch Dios.

⁵ Moisés xuc'ul tsi' melbe i ye'tel Dios ti' tojlel i cha'año' b_Λ Dios. I winic_Λch. Tsi' w_Λn tsictesa jini tsa' b_Λ tili ti wi'il.

⁶ Pero Cristo i Yalobil_Λch Dios. Mi' c_Λantan ti xuc'ul i cha'año' b_Λ Dios. Tsiquil che' jini, i cha'año_nla Dios mi c'_Λl_Λl ti' jilibal ch_Λn lotol ti lac pusic'al chuqui tsa' lac ñopo, mi xuc'ul mi lac pijtan ti' tijicñ_Λyel lac pusic'al.

P_Δybilob cha'an mi' c'ajob i yo

⁷ Jini cha'an, che' bajche' mi' y_Λl jini Ch'ujul b_Λ Espíritu: "Mi woli la' wubiben i t'an Dios,

⁸ mach mi la' w_Λc' ti ts_Λt'an la' pusic'al che' bajche' tsi' cha'leyob la' tatob che' b_Λ tsi' contra-jiyoñob ya' ti colem b_Λ i tiquiñal lum che' b_Λ tsi' yil_Λbeyoñob c pusic'al.

⁹ Tsi' yil_Λbeyoñob c pusic'al. Tsi' ñusayob c t'an. Cha'c'al jab tsi' q'ueleyob c melbal.

¹⁰ Che' jini tsi' techbeyoñob c mich'ajel jini año' b_Λ ti yamb_Λ ora. Tsac subu: Ti pejtelel ora an i

sajtemal come leco chuqui tsi' ña'tayob ti' pusic'al. Ma'anic tsi' ñopoyob c bijlel.

11 Jini cha'an mich' tsac subu ti isujm: Ma'anic mi caj cΛq'ueñob i c'aj i yo". Che' mi' yΛ jini Ch'ujul bΛ Espíritu.

12 Jini cha'an hermanojob, chΛcΛ q'uele la' bΛ ame tejchic jontolil ti la' pusic'al, ame mi la' cΛy jini cuxul bΛ Dios mi mach xuc'ulic mi la' ñop.

13 Pero yom mi la' xic'ben la' bΛ ti uts'at ti jump'ejl q'uin che' woli to i pΛyonla, ame tsΛts'ac la' pusic'al ti mulil yujil bΛ lotiya.

14 Lac tem cha'añach i yutsllel i pusic'al Dios la quic'ot Cristo mi c'ΛΛΛ ti'jilibal mi lac chΛn ñop che' bajche' ti ñaxan ti' xuc'tilel lac pusic'al.

15 I t'an Dios mi' subeñonla: “Mi woli la' wu-biben i t'an Dios, mach mi la' wΛc' ti tsΛts'an la' pusic'al che' bajche' tsi' cha'leyob che' bΛ tsi' contrajiyob”. Che' mi' yΛ.

16 ¿Majqui tsi' contrajiyob che' bΛ tsi' yubibeyob i t'an? ¿Mach ba pejtelobic tsa' bΛ loq'uiyob ti Egipto yic'ot Moisés?

17 Cha'c'al jab tsi' techbeyob i mich'ajel. Dios tsi' mich'le jini tsa' bΛ i cha' leyob mulil. Tsa' yajliyob i bΛc'tal ya' ti jochol bΛ lum.

18 Dios tsi' tajayob ti t'an che' bΛ tsi' yΛΛ ti isujm: “Ma'anic mi caj cΛq'ueñob i c'aj i yo”, che'en. JiñobΛch tsa' bΛ i ñusΛbeyob i t'an.

19 Tsiquil che' jini, ma'anic tsa' mejliyob ti ochel, come ma'anic tsi' ñopoyob.

4

1 Woli to i pΛyonla Dios cha'an mi' yΛq'ueñonla laj c'aj la co. Jini cha'an yom tsajilonla ame anic ti

la' tojlel majqui ma'anic mi' c'aj i yo ti lac Yum.

² Come tsa'ix subentiyonla jini Wen T'an lajal bajche' tsa' subentiyob. Pero ma'anic chuqui tsi' tajayob che' b_Λ tsi' yubiyob come ma'anic tsi' ñopoyob.

³ Pero joñonla mu' b_Λ lac ñop Dios, ochemonla ba' mi laj c'aj la co, che' bajche' tsi' y_{ΛΛ}: “Mich'on tsac subu ti isujm: Ma'anic mi caj c_Λq'ueñob i c'aj i yo quic'ot”. Che' tsi' y_{ΛΛ} Dios, anquese ujtemix i melbal c'_{ΛΛ} ti' tejchibal pañimil.

⁴ Come an ba' ts'ijbubil jini t'an cha'an i wucp'ejlel q'uin: “Ti' wucp'ejlel q'uin Dios tsi' c'aja i yo che' ujtemix pejtel i ye'tel”. Che'_Λch ts'ijbubil.

⁵ Ts'ijbubil ja'el: “Ma'anic mi caj i yochelob ti c'aj o”, che'en.

⁶ Tsiquil mi caj i c'ajob i yo yaño' b_Λ, come ma'anic tsi' c'ajayob i yo jini tsa' b_Λ subentiyob jini Wen T'an ti ñaxan, come xñusa t'añob.

⁷ Tsi' cha' taja ti t'an i yorajlel c'aj o che' b_Λ tsa' ñumi cab_{ΛΛ} jab. Tsi' subu ti' jun David jini jach b_Λ t'an: “Mi woli la' wubiben i t'an w_Λle, mach mi la' w_Λc' ti ts_Λt's'an la' pusic'al”. Che' tsi' y_{ΛΛ}.

⁸ Tsa'ic i y_Λq'ueyob i c'aj i yo jini Josué, ma'anic tsi' cha' al_Λ Dios ti wi'il.

⁹ Tsiquil che' jini, an yamb_Λ c'aj o woli b_Λ i pijtañob i cha'año' b_Λ Dios.

¹⁰ Come majqui jach mi' c'aj i yo ti Dios, mi' c_Λy i mel i ye'tel che' bajche' Dios tsi' c'aja i yo che' ujtemix i ye'tel.

¹¹ La' lac cha'len wersa cha'an mi laj c'aj la co, ame anic majch mi' yajlel ti mulil che' bajche' la' tatob tsa' b_Λ i ñus_Λbeyob i t'an.

¹² Come cuxul i t'an Dios. Wen p'atΛl. Ñumen jay bajche' espada am bΛ i yej ti' cha'wejllel. Mi' sΛl jec' lac pusic'al yic'ot lac ch'ujlel. Mi' tsictesan chuqui woli' yΛl lac pusic'al yic'ot chuqui yom lac pusic'al.

¹³ Ma'anic mucul tac bΛ ti' wut Dios. JamΛl ti' wut pejtℓ chuqui tac an. Wersa mi caj lac mel lac bΛ ti' tojlel jini mu' bΛ i lu' q'uel.

Jesús jini c'ax ñuc bΛ la caj motomaj

¹⁴ An c'ax ñuc bΛ la caj motomaj tsa' bΛ ochi ti panchan ti' tojlel Dios. JiñΛch Jesús, i Yalobil Dios. Jini cha'an la' lac chΛn ac' ti lac pusic'al jini tsa' bΛ lac ñopo mu' bΛ lac sub.

¹⁵ C'ax ñuc la caj motomaj. Yujil i p'untañonla, come yujil c'uñonla. Tsa' pΛjyi ti chajp ti chajp bΛ mulil ja'el, che' bajche' mi lac pΛjyel ti mulil. Pero ma'anic tsi' jac'Λ.

¹⁶ Jini cha'an yom ch'ejl lac pusic'al mi lac lac'tesan lac bΛ ba'an i buchlib Dios ba' mi' pΛsbeñonla i yutslel i pusic'al. Ya'i mi caj lac p'untΛntel. Mi caj laj coltΛntel ti' yutslel i pusic'al che' an wocol ti lac tojlel.

5

¹ Pejtℓ ñuc bΛ motomaj yajcΛbil bΛ ti' tojlel winicob, an ti' wenta cha'an mi' melben i ye'tel Dios cha'an i wenlel winicob. Mi' yΛq'uen Dios ofrenda yic'ot tsΛnsΛbil bΛ i majtan cha'an mulil.

² Mi mejlel i p'untan jini mach bΛ anic i ña'tΛbal yic'ot jini woli bΛ ti sajtel, come winic ja'el.

³ Jini cha'an wersa yom mi' yΛq'uen i majtan Dios cha'an i bajñel mul, che' bajche' mi' yΛq'uen i majtan cha'an i mul yaño' bΛ.

⁴ Ma'anic majch mi' bajñel ch'Λm jini ñuc bΛ e'tel, cojach jini mu' bΛ i pΛjyel ti Dios che' bajche' tsa' pΛjyi Aarón.

⁵ Cristo ja'el ma'anic tsi' bajñel ñuq'uesa i bΛ cha'an mi' bajñel otsan i bΛ ti c'ax ñuc bΛ motomaj. Tsa' subenti: “Jatet Calobilet. WΛle tsa' ochiyon ti a Tat”, che'en. Jini tsa' bΛ i sube ili t'an tsi' wa'choco.

⁶ Tsi' yΛΛ ti yambΛ salmo ja'el: “Jatet motomajet ti pejtelel ora. Wa'chocobilet ti' motomajil Melquisedec”, che'en.

⁷ Che' wΛ'to chumul Jesús ti pañimil, tsi' pejca Dios am bΛ i p'ΛtΛlel cha'an mi' yΛc' ti colel ame chΛmic. Tsi' c'ajtibe ti wocol t'an. C'am tsi' cha'le uq'uel. Tsa' tili i ya'lel i wut. Dios tsi' yubibe i t'an i Yalobil come uts'at tsi' jac'Λ ti pejtelel ora.

⁸ Pero anquese i YalobilΛch, ti' caj i wocol tsi' wen ñopo ch'ujbiya.

⁹ Che' bΛ tsa' ts'actiyi i chajpΛntel yic'ot i ñuclel Jesús, tsa' ochi ti la caj Coltaya ti pejtelel ora. Mi' coltan pejtelel mu' bΛ i jac'beñob i t'an.

¹⁰ Dios tsi' subu ti c'ax ñuc bΛ motomaj wa'chocobil bΛ ti' motomajil Melquisedec.

Jini mu' bΛ i cayob Dios

¹¹ Anto chuqui com c subeñet lojon, come cabΛ i sujmllel ili motomajil. Wocol mi la' ch'Λmben isujm come mΛcΛl la' chiquin yubil.

¹² Anix ora tsa' la' wubi jini t'an. Anquese i yorajlelix mi la' wochel ti xcΛntesajob, anto yom majqui mi' cha' cΛntesañetla c'ΛlΛl ti' cajibal i sujmllel i t'an Dios. La' wom to la' chu' yilal. Maxto mejlic la' c'ux waj.

¹³ Come majqui jach woli to ti chu', maxto wen yujilic bajche' yom mi' yajñel ti toj, come alal to.

¹⁴ Pero mi laj c'ux waj che' tsa'ix lac taja laj coel, che' c'añlix lac cha'an chuqui wen yic'ot chuqui mach wenic.

6

¹ Jini cha'an mach yomix mi lac chan jal'an ti' ñopol i cajibal i sujmler Cristo. La' wen sojlic ti lac pusic'al pejtelel i sujmler, mach jinic jach i tejchibal c'antesa. Yom mi lac junyajlel cay jini lolom jach b_Λ lac melbal cha'an mi lac ñop Dios.

² Jasalch la' c'antesantel ti ch'amja' yic'ot ti yac'ol c'abal ti la' jol. Tsa'ix la' wubi mi' tejchelob ch'ojoyel chameño' b_Λ. Tsa'ix la' wubi i sujmler toj mulil mach b_Λ yujilic jilel. Jasal la' c'antesantel ti ili tac.

³ Pero anto yom mi la' taj la' coel ti Cristo. La' lac ñop ti pejtelel che' bajche' yom Dios.

⁴ Jini mu' b_Λ i junyajlel cayob Dios, ¿bajche' mi caj i cha' ñopob? Tsa'ix i chan q'ueleyob i saclel. Tsa'ix i chan tajayob i wenlel ti Dios yic'ot ti Ch'ujul b_Λ Espiritu.

⁵ Tsi' ña'tayob uts'at i t'an Dios. Tsi' yubiyob i p'atlel i yumantel mu' b_Λ caj i tilel.

⁶ Pero tsi' tats'ayob i b_Λ. Mach mejlix lac chan ñijcabeño' i pusic'al cha'an mi' cha' sutq'uiño' i b_Λ, come woli' cha' ch'ijob ti cruz i Yalobil Dios yilal. Woli' yac'ob ti wajlentel.

⁷ Dios mi' yac'uen i bendición jini lum mu' b_Λ i chan jap ja'al che' mi' choc tilel. Mi' yac' ti coel uts'at tac b_Λ lac pac'bal.

8 Pero mi woli jach i y_Λc' ti coled pimel am b_Λ i ch'ixal, ma'anic i c'Λjñibal jini lum. Pujch'emix. I yum mi caj i c_Λy. Mi' caj ti pulel.

9 C'uxbibilo' b_Λ, anquese che'Λch wolic subeñet lojon, cujil lojon uts'at añetla. Woli la' w_Λc' la' wut ti uts'at come colt_Λbiletla.

10 Come mach jontolic Dios. Mach ñaj_Λyic i cha'an la' melbal yic'ot la' c'uxbiya, come ti' c'aba' Dios tsa' la' colta i cha'año' b_Λ. Woli to la' coltaño.

11 Pero com lojon ch_Λn b_Λxetla ti jujuntiquiletla c'Λ_ΛΛ mi la' ch_Λmel, cha'an mi la' taj pejtet woli b_Λ la' pijtan.

12 Mach comic lojon mi la' lij la' b_Λ. Tsajcanla majlel jini woli b_Λ i y_Λq'uentelob pejtelel jini albil b_Λ i cha'an Dios, come mi' ch_Λn cha'leñob pijt ti' xuc'talel i pusic'al woli b_Λ i ñopob.

13 Dios che' b_Λ tsi' y_Λq'ue Abraham i t'an, tsi' bajñel xuc'choco i t'an. Come ma'anic yamb_Λ ñuc b_Λ bajche' Dios tsa' b_Λ mejli i xuc'chocon.

14 Tsi' sube Abraham: "Ti isujm cab_ΛΛ mi caj c_Λq'ueñet bendición. Mi caj c wen p'ojles_Λbeñet a p'olbal". Che' tsi' y_ΛΛ Dios.

15 Che' jal tsi' pijta Abraham ti' xuc'talel i pusic'al, tsi' taja chuqui albil i cha'an Dios.

16 Ti isujm, winicob mi' tajbeñob i c'aba' jini ñumen ñuc b_Λ cha'an mi' xuc'chocoñob i t'an. Che' mi' xuc'chocoñob ti' c'aba' yamb_Λ, ma'anix majch mi mejlel i jem.

17 Dios ja'el yom i wen tsictes_Λbeñonla mach mejlic ti jejmec i t'an. Pejtet mu' b_Λ i ñopob mi caj i y_Λq'uentelob chuqui albil i cha'an. Jini cha'an tsi' bajñel taja i c'aba' cha'an mi' xuc'chocon i t'an.

¹⁸ Dios mach mejlic i cha'len lot. An cha'chajp mach b_Λ yujilic q'uext_Λyel. Jiñach i xuc'talel i pusic'al yic'ot albil b_Λ i t'an. Jini cha'an joñonla tsa' b_Λ lac taja laj colt_Λntel ti Dios, mi lac taj i ñuq'ues_Λntel lac pusic'al cha'an mi lac ch_Λn pijtan chuqui subebilonla.

¹⁹⁻²⁰ Jini lac pijtaya, jiñach mu' b_Λ i tsats xuc'chocoñonla. Mi' y_Λc'onla ti ochel ti junwejl pisil b_Λ tsal_Λl yilal ya' ti panchan ba' tsa' ñaxan ochi Jesús cha'añonla. Tsa' ochi ti c'ax ñuc b_Λ motomaj ti pejtelel ora wa'chocobil ti' motomajil Melquisedec.

7

I motomajil Melquisedec

¹ Che' b_Λ tsi' m_Λl_Λ Abraham ti' tojlel jini reyob, tsa' tili Melquisedec cha'an mi' taj che' wolix ti sujt_Λl. Melquisedec jiñach i rey Salem, i motomaj jini Nuc b_Λ Dios. Melquisedec tsi' y_Λq'ue Abraham i yutslel i t'an.

² Abraham tsi' y_Λq'ue i diezmojlel pejt_Λl i chub_Λ'an. An i sujml_Λl i c'aba' Melquisedec ti lac t'an, jiñach Toj b_Λ Rey am b_Λ ti Salem. Jiñach Rey yujil b_Λ N_Λch'chocoya.

³ Ma'anic i tat i ña'. Ma'anic tsa' tajle i c'aba' i ñojte'el. Ma'anic i cajibal, ma'anic i jilibal. Lajal_Λch bajche' i Yalobil Dios. Motomaj ti pejtelel ora.

⁴ Ña'tanla i ñucl_Λl jini Melquisedec. Abraham lac p_Λq'u_Λil tsi' y_Λq'ue i diezmojlel pejtelel chuqui tsi' taja ti guerra.

⁵ Isujm, ts'ijbubil ti jini mandar an ti' wenta i p'olbal Leví mu' b_Λ i yochelob ti motomajil cha'an

mi' ch'Λmbeñob i diezmojlel i chubΛ'an i pi'Λlob. Anquese laj i p'olbalob Abraham ti pejtelelob, pero che'Λch yom mi' yΛq'ueñob i chubΛ'an i pi'Λlob.

⁶ Pero jini Melquisedec mach bΛ i p'olbalic Leví, tsi' ch'Λmbe i diezmojlel i chubΛ'an Abraham. Tsi' yΛq'ue i yutslel i t'an jini am bΛ i cha'an jini albil bΛ t'an.

⁷ Isujm, jini ñuc bΛ mi' yΛq'uen i yutslel i t'an jini mach bΛ yoque ñuquic.

⁸ Isujm, mi' ch'Λmob diezmo i p'olbalob Leví yujilo' bΛ chΛmel. Pero mi' subeñonla i Ts'ijbujel Dios chΛn cuxul Melquisedec.

⁹ Mi mejlel la cΛl: Jini Leví (i ñojte'el jini mu' bΛ i ch'Λmob diezmo) anto ti Abraham ba' ora tsi' yΛq'ue Melquisedec i diezmojlel i chubΛ'an.

¹⁰ Come jini Leví i p'olbalΛch Abraham. Ya'to an Leví ti' bΛc'tal Abraham che' bΛ tsi' taja Melquisedec.

¹¹ Dios tsi' yΛq'ueyob israelob jini ts'ijbubil bΛ mandar ti' wenta i p'olbal Leví. Tsi' wa'choco motomajob tilemo' bΛ ti Aarón, i yalobil bΛ Leví. Tsa'ic mejli i coltañonla i p'olbal Leví, ma'anic tsi' wera choco tilel yambΛ motomaj wa'chocobil bΛ ti' motomajil Melquisedec. Come parte jini Melquisedec, mach tilemic ti Aarón.

¹² Che' bΛ tsa' loq'ui ti' motomajil i p'olbal Aarón, wera tsa' q'uextΛyi jini mandar.

¹³ Come mach tilemic ti Leví Cristo tsa' bΛ ochi ti motomaj, pero tilem ti Judá, jini yambΛ junmojt israelob ba' ma'anic mi juntiquilic tsa' bΛ i cha'le i ye'tel ti motomaj ti' t'ejl i pulΛntib i majtan Dios.

¹⁴ Come ña'tΛbil lac cha'an tsa' tili lac Yum ti'

p'olbal Judá, pero Moisés ma'anic tsi' y_ΛΛ mi tal motomaj ti' p'olbal Judá.

¹⁵ Tsiquil che' jini tsa'ix tejchi yamb_Λ motomaj che' bajche' Melquisedec.

¹⁶ Che' b_Λ tsa' ochi ti motomaj, mach wa'chocobilic i cha'an winicob che' bajche' ts'ijbubil ti mandar. Pero wa'chocobil ti motomaj yic'ot i p'_Λt_Λlel i cuxt_Λlel mach b_Λ yujilic jilel.

¹⁷ Jump'ejl salmo tsi' taja ti t'an Cristo che' b_Λ tsi' y_ΛΛ: “Motomajet ti pejtelel ora. Wa'chocobilet ti' motomajil Melquisedec”, che'en.

¹⁸ Isujm tsa' q'uextiyi jini ñaxan b_Λ mandar come ma'anic i p'_Λt_Λlel. Ma'anic i c'_Λjñibal.

¹⁹ Come jini mandar ma'anic tsa' mejli i y_Λq'ueñonla lac p'_Λt_Λlel cha'an ts'_Λal mi lac jac'. Pero tsa' tili wen uts'at b_Λ lac pijtaya yic'ot Cristo. Jini cha'an mi mejlel lac lac'tesan lac b_Λ ba'an Dios.

²⁰ Dios tsi' y_Λc'_Λ i t'an che' b_Λ tsa' ochi Cristo ti motomaj.

²¹ Mach che'ic tsi' mele ti' tojlel yamb_Λ motomajob che' b_Λ tsa' cajiyojob ti' ye'tel. Pero Dios tsi' y_Λc'_Λ i t'an ti' tojlel Jesús. Tsi' sube: “A Yum Dios tsa'ix i y_Λc'_Λ i t'an. Ma'anic mi' q'uextan i pusic'al. Jatet motomajet ti pejtelel ora”, che'en.

²² Jini cha'an la cujil ñumen wen jini tsiji' b_Λ trato, come mi' xuc'chocontel ti Jesús.

²³ Ti yamb_Λ ora wersa tsa' wa'chocontiyob cab_Λl motomajob. Mach jalic tsa' ajniyojob ti' ye'tel, come tsa' ch_Λmiyojob ti jujuntiquil.

²⁴ Pero Cristo mi' yajñel ti pejtelel ora. Ma'anic mi' q'uext_Λyel i motomajil.

²⁵ Jini cha'an mi mejlel i junyajlel coltan pejtel mu' b_Λ i lac'tesañob i b_Λ ba'an Dios ti' tojlel Jesús. Come ch_Λn cuxul ti pejtelel ora. Woli' ch_Λn tajob ti oración ti' tojlel Dios.

²⁶ Jesús jiñ_Λch c'ax ñ_{uc} b_Λ la caj motomaj che' bajche' yom lac cha'an. Come ch'ujul_Λch, ma'anic i jontolil, s_Λc i pusic'al, mach xmulilic. Tsa'ix aq'uenti i ñ_{uc}lel ti panchan.

²⁷ Mach wersajic mi' ts_Λns_Λben i majtan Dios ti jujump'ejl q'uin che' bajche' yamb_Λ motomajob. Ñaxan tsi' ts_Λns_Λbeyob i majtan Dios cha'an i bajñel mul, ti wi'il cha'an i mul i pi'lob. Pero Jesús tsi' tojo lac mul che' b_Λ tsi' y_Λc'Λ i b_Λ ti ch_Λmel che' bajche' ts_Λns_Λbil b_Λ i majtan Dios. Jas_Λl junyajl tsa' ch_Λmi.

²⁸ Jini mandar mi' wa'chocon ti ñ_{uc} b_Λ motomaj winicob am b_Λ i c'unlel i pusic'al. Pero Dios tsi' wa'choco i Yalobil tsa' b_Λ ts'actiyi i p'at_Λlel yic'ot i ñ_{uc}lel ti pejtelel ora.

8

Jesús tsi' y_Λq'ueyonla ñ_{umen} wen b_Λ trato

¹ An ñ_{uc} b_Λ i sujmllel jini woli b_Λ c sub lojon. Jiñ_Λch iliyi: An c'ax ñ_{uc} b_Λ la caj motomaj tsa' b_Λ buchle ti' ñoj jini C'ax Ñ_{uc} b_Λ woli b_Λ ti yum_Λntel ya' ti panchan.

² Woli' mel i ye'tel motomaj ya' ti jini C'ax Ch'ujul b_Λ Ajñib_Λl, jini mero isujm b_Λ otot tsa' b_Λ i wa'choco lac Yum. Mach jinic pisil b_Λ otot tsa' b_Λ i wa'chocoyob winicob.

³ Come ti pejtelel ñ_{uc} b_Λ motomajob añob i ye'tel cha'an mi' y_Λq'ueñob Dios ofrenda yic'ot ts_Λns_Λbil

bΛ i majtan. Jini cha'an wersa an chuqui mi' yΛc' ja'el jini ñuc bΛ motomaj lac cha'an.

⁴ WΛ'ic an ti pañimil Jesús, mach motomajic, come an motomajob mu' bΛ i yΛq'ueñob i majtan che' bajche' ts'ijbubil ti mandar.

⁵ Pero jini motomajob woli' pΛsob i yejtal jach chuqui an ti panchan, i yΛxñΛlel jach yilal. Come che' bΛ tsa' subenti Moisés bajche' yom mi' mel jini tabernáculo, Dios tsi' sube: “Yom ma' wen q'uel cha'an lajal ma' mel ti pejtelel che' bajche' tsac pΛsbeyet ya' ti wits”, che'en.

⁶ Pero Jesús tsa'ix i taja ñumen ñuc bΛ i ye'tel come tsi' yΛq'ueyonla ñumen wen bΛ trato ti' tojlel Dios cha'an mi lac pijtan chuqui tac uts'at, albil bΛ i cha'an Dios.

⁷ Come tsa'ic mejli i coltañonla jini ñaxan bΛ trato ma'anic tsa' ajq'ui yambΛ ti' q'uexol.

⁸ Tsi' ña'ta Dios quepel jini t'an che' bΛ tsi' yΛΛa: “Awilan, tal i yorajlel, mi caj c wa'chocon tsijib xuc'ul bΛ t'an yic'ot i p'olbal Israel yic'ot i p'olbal Judá.

⁹ Mach lajalic bajche' jini xuc'ul bΛ t'an tsa' bΛ c mele yic'ot i ñojte'elob, che' bΛ tsac chucbeyob i c'Λb cha'an mic pΛyob loq'uel ti' lumal Egipto. Ma'anic tsi' wen jac'Λyob. Jini cha'an tsac tΛts'Λ c bΛ.

¹⁰ Mi caj c mel yambΛ xuc'ul bΛ t'an yic'ot jini israelob che' ñumenix cabΛl q'uin. Jiñach iliyi: Mi caj cΛq'ueñob i ña'tan c mandar ti' pusic'al. Mi caj i c'uxbiñonob come i Dioson. Mi caj c cha'aniñob.

¹¹ Mach wersajix mi caj i cΛntesan i pi'glob, mi i yerañob. Ma'anic mi caj i yΛlob: Ñopo lac Yum, come ti pejtelelob mi caj i ñopoñob, jini alglob yic'ot jini ñoxobix bΛ,

¹² come mi caj c ñus^Λbeñob i mul. Ma'anic mi caj c ch^Λn ña't^Λbeñob i jontolil". Che' tsi' y^ΛΛ Dios.

¹³ Che' b^Λ tsi' y^ΛΛ tsijib jini pacto tsi' tsictesa ma'anix i c'^Λjñibal jini oñiyix b^Λ. Chuqui tac mach tsijibic woli b^Λ ti tsuculiyel mach jalix mi' s^Λc jilel.

9

¹ Dios tsi' y^Λq'ueyonla mandar yic'ot jini ñaxan b^Λ trato. Tsi' c^Λntesayonla bajche' yom mi lac ch'ujutesan yic'ot bajche' yom mi' yujtel i ye'tel ti ch'ujul b^Λ ajñibal ila ti pañimil.

² Tsa' mejli pisil b^Λ otot. Ya' ti ñaxan b^Λ i mal i c'aba' Ch'ujul b^Λ Ajñibal an lámpara yic'ot mesa, yic'ot waj tsa' b^Λ ajq'ui ti mesa.

³ An yamb^Λ i mal ti' pat jini cha'wejllel b^Λ pisil i c'aba' C'ax Ch'ujul b^Λ Ajñibal.

⁴ Ya'an i pul^Λntib pom melbil b^Λ ti oro yic'ot caxate' laj tep'bil b^Λ ti oro ba' lotol jini xuc'ul b^Λ t'an. Ya' ti mal caxate' an p'ejt melbil b^Λ ti oro ba' lotol maná. Ya'an ja'el i barate' Aarón tsa' b^Λ i cha'le nich yic'ot jini xajlel ba' ts'ijbubil jini lujump'ejl mandar.

⁵ Ya' ti' pam jini caxate' an i yejtal querubiñob mu' b^Λ i ñuq'uesañob Dios. I y^Λxñ^Λlel i wich' tsa' c'oti ti' pam i majc caxate' ba' tsa' ñus^Λbentiyob i mul winicob. W^Λle mach yomic mic laj tsictes^Λbeñetla i sujmllel i b^Λl jini otot.

⁶ Chajp^Λbilix jini otot, mi' yochelob jini motomajob ti ñaxan b^Λ i mal cha'an mi' melob i ye'tel ti jujump'ejl q'uin.

⁷ Pero ti cha'tsajlel i mal, cojach mi' yochel jini ñuc b^Λ motomaj junyajl jach ti jump'ejl jab. Wersa mi' ch'^Λm ochel ch'ich' mu' b^Λ i y^Λc' cha'an i bajñel

mul yic'ot i mul winicob x'ixicob che' mach tsajilob i cha'an.

⁸ Che' bajche' jini, jini Ch'ujul b_Λ Espíritu mi' y_Λq'ueñonla lac ña'tan maxto tsictiyemic bajche' mi la cochel ti jini C'ax Ch'ujul b_Λ Ajñibal che' wa'al to jini ñaxan b_Λ otot.

⁹ Jini pisil b_Λ otot, jiñach i yejtal jini isujm b_Λ otot mu' b_Λ i y_Λq'ueñonla Cristo wale. Ti jini pisil b_Λ otot tsa' aq'uenti Dios ofrenda tac yic'ot tsansabil b_Λ i majtan mach b_Λ mejlic i junyajlel ñach'chocobeñob i pusic'al jini mu' b_Λ i cha'leñob ch'ujutesaya.

¹⁰ Come i melbal jach winicob ili waj yic'ot ili japbil b_Λ. Mi' pocob ti ja'. I yejtal jach jini mero isujm b_Λ. Che' mi' tilel jini isujm b_Λ, mi' jilel i c'ajñibal yamb_Λ.

¹¹ W_Λle tsa'ix tili Cristo, jini c'ax ñuc b_Λ motomaj mu' b_Λ i y_Λq'ueñonla jini uts'at b_Λ. Come an ñumen ñuc b_Λ otot wen melbil b_Λ, jiñach mero i chumlib Dios. Mach melbilic ti c'ab_Λ che' bajche' jini melbil b_Λ ti pañimil.

¹² Tsa' junyajlel ochi Cristo ya' ti Ch'ujul b_Λ Ajñibal. Mach i ch'ich'elic al_Λ chivo mi al_Λ tat wacax, pero yic'ot i bajñel ch'ich'el tsa' ochi ti jini Ch'ujul b_Λ Ajñibal ti chan, come tsi' mañayonla cha'an mi la cajñel yic'ot ti pejtelel ora.

¹³ I ch'ich'el tat wacax yic'ot i ch'ich'el al_Λ chivo yic'ot i tañil al_Λ ña' wacax tsa' mejli i poj saq'uesabeñob i bac'tal jini bibi'o b_Λ che' tsijcabil ti' pam.

¹⁴ Ñumen i c'ajñibal i ch'ich'el Cristo. Come mi' poc loq'uel ti lac pusic'al jini tsucul b_Λ lac melbal cha'an mi lac melben i ye'tel jini cuxul b_Λ Dios. Ti'

p'atɬlel jini Espiritu mach bɬ ajnic mi' jilel, Cristo tsi' yɬc'ɬ i bɬ che' bajche' ch'ujul bɬ i majtan Dios mach bɬ anic i mul.

15 Jini cha'an Cristo tsi' mele jini tsijib xuc'ul bɬ t'an cha'an mi' yɬq'uentelob jini pɬybilo' bɬ ti Dios jini bendición tsa' bɬ i wɬn ña'ta. An i p'atɬlel Cristo cha'an mi' mel iliyi, come tsa' chɬmi cha'an mi' ñusɬbeñob i mul jini añob to bɬ ti wenta ñaxan bɬ trato.

16 Che' an majqui mi' chɬmel, mi tsi' wɬn mele ts'ijbubil bɬ jun ba' mi' yɬ woli' t'ox i chubɬ'an, ma'anic majch mi mejlel i ch'ɬm jinto chɬmenix i yum.

17 Che' chɬmenix mi' yujtel che' bajche' ts'ijbubil. Ma'anic mi' yujtel che' cuxul to i yum tsa' bɬ i ts'ijba.

18 Jini ñaxan bɬ trato ja'el ma'anic i p'atɬlel jinto tsa' bejq'ui ch'ich'.

19 Moisés che' bɬ tsa' ujti i subeñob pejtelel winicob pejtelel i mandar Dios tsi' ch'ɬmɬ i ch'ich'el aɬ wacax yic'ot i ch'ich'el chivo yic'ot ja', yic'ot chɬchɬc bɬ i tsutsel tiñɬme', yic'ot pimel cha'an mi' tsijcan i juñilel mandar yic'ot pejtelel winicob x'ixicob.

20 Tsi' yɬɬɬ: “Jiñach i ch'ich'el aɬc'ɬɬ cha'an mi' ts'ɬtiyel jini trato che' bajche' Dios tsi' yɬq'ueyetla mandar”, che'en.

21 Che' ja'el tsi' tsijca ti ch'ich' jini pisil bɬ otot yic'ot pejtelel i bɬɬ mu' bɬ i c'ɬjñel ti' ye'tel Dios.

22 Che' bajche' mi' yɬ jini mandar, cojach yic'ot ch'ich' mi' sɬq'uesɬntel ti pejtelel. Machic mi' bejq'uel i ch'ich'el i majtan Dios, ma'anic i ñusɬntel mulil.

An i ñusantel mulil come Cristo tsi' yac'Λ i bΛ ti tsansantel

²³ Che' jini tsa' wersa sΛq'uesanti jini Tabernáculo yic'ot i bΛl, jiñach i yejtal jach chuqui tac an ti panchan. Pero tsa' sΛq'uesanti i cha'año' bΛ Dios yic'ot yambΛ tsansabil bΛ i majtan Dios, ñumen wen bΛ.

²⁴ Come Cristo ma'anic tsa' ochi ti Ch'ujul bΛ Ajñibal melbil bΛ ti c'ΛbΛl, i yejtal jach bΛ panchan. Tsa' ochi ti panchan, jini mero Ch'ujul bΛ Ajñibal ba' woli' pΛs i bΛ ti' tojlel Dios cha'an mi' coltañonla.

²⁵ Junyajl jach tsa' ochi ti panchan cha'an mi' yac' i bΛ. Mach che'ic bajche' jini ñuc bΛ motomaj mu' bΛ i yochel ti jujump'ejl jab ti C'ax Ch'ujul bΛ Ajñibal yic'ot ch'ich', mach bΛ i ch'ich'elic.

²⁶ Che'ic jini, wersa tsa' cha' chΛmi Cristo ti jujumuc' c'ΛlΛl ti' tejchibal pañimil. Pero mach che'ic. JasΛ junyajl tsa' tsictiyi Cristo che' lΛc'Λlix jini cojix bΛ q'uin tac. Tsi' yac'Λ i bΛ ti tsansantel cha'an mi' jisabeñonla lac mul.

²⁷ I tilel junyajl jach mi' chΛmelob winicob x'ixicob. Mi' yujtelob ti chΛmel, mi' melob i bΛ.

²⁸ Che' ja'el, Cristo junyajl jach tsa' ajq'ui cha'an mi' cuchbeñob i mul cabΛlob. Mi caj i tsictiyel ti' cha'yajlel cha'an mi' coltan jini woli bΛ i pijtañob, pero ma'anix mi caj i chΛn cuch mulil.

10

¹ Jini mandar mi' pΛsbeñonla i yejtal jach jini mero isujm bΛ mu' bΛ caj i tilel. Mi' yΛxñal pΛs. Ti jujump'ejl jab mi' chΛn tsansabeñob i majtan Dios

che' mi' ch'ujutesañob che' bajche' mi' y_Λ jini mandar. Pero jini mandar mach mejlic i ts'actes_Λbeñob i wenlel i pusic'al.

² Tsa'ic mejli i s_Λq'uesan jini mu' b_Λ i ch'ujutesañob Dios, ja_sal junyajl tsi' ts_Λns_Λbeyob i majtan. Che'ic jini tsa' junyajlel ñ_{us}abentiyob i mul.

³ Pero che' mi' ch_Λn ts_Λns_Λbeñob i majtan ti jujump'ejl jab, ch_Λn añix i ña't_Λntel mulil.

⁴ Come i ch'ich'el tat wacax yic'ot i ch'ich'el tat chivo mach mejlic i jisan mulil.

⁵ Jini cha'an, che' b_Λ tsa' tili ti pañimil Cristo, tsi' y_ΛΛ: “Mach a womic ts_Λns_Λbil b_Λ a majtan yic'ot ofrenda. Pero tsa' chajp_Λbeyon c b_Λc'tal.

⁶ Ma'anic ma' mulan pulbil b_Λ a majtan yic'ot yan tac b_Λ mu' b_Λ i y_Λq'ueñetob cha'an ma' ñ_{us}Λbeñob i mul.

⁷ Jini cha'an tsa c_ΛΛ: Awilan, tsa'ix tiliyon cha'an mic mel chuqui a wom, Dios, che' bajche' ts'ijbubil ti b_Λbil b_Λ jun”. Che' tsi' y_ΛΛ Cristo.

⁸ Ti ñaxan tsi' y_ΛΛ: “Mach a womic ts_Λns_Λbil b_Λ a majtan, yic'ot ofrenda mu' b_Λ i y_Λq'ueñetob, yic'ot pulbil b_Λ a majtan, yic'ot yan tac b_Λ cha'an ma' ñ_{us}Λbeñob i mul. Mach che'ic ma' mulan”. Che' tsi' y_ΛΛ anquese ti pejtelel ili majtañ_Λl mi' y_Λc'ob che' bajche' mi' y_Λ jini mandar.

⁹ Ti wi'il tsi' y_ΛΛ: “Awilan, tsa' tiliyon cha'an mic mel chuqui a wom, Dios”, che'en. Che' bajche' jini, tsi' jisa jini ñaxan b_Λ cha'an mi' wa'chocon jini wi'il b_Λ.

¹⁰ W_Λle s_Λq'ues_Λbilonixla che' bajche' yom Dios cha'an tsi' y_Λc'Λ i b_Λc'tal Jesucristo che' junyajl jach tsa' ch_Λmi cha'añonla.

11 Pejtel motomaj mi' wa'tal ti jujump'ejl q'uin cha'an mi' cha' mel i ye'tel. Cabal mi' chan tsansaben i majtan Dios mach b_Λ mejlic i wis jisan mulil.

12 Pero Cristo junyajl tsi' yac'Λ i b_Λ ti' majtan Dios cha'an mi' toj lac mul ti pejtelel ora. Che' b_Λ tsa' ujt i yac' i b_Λ, tsa' buchle ya' ti' ñoj Dios.

13 Ya' buchul woli ti pijt jinto mi' t'uchtantel pejtelel i contra.

14 Come ti jump'ejl jach b_Λ i majtan Dios, tsa'ix i junyajlel weñ'esayob i pusic'al jini saq'uesabilo' b_Λ.

15 Che'ach mi' subeñonla ja'el jini Ch'ujul b_Λ Espíritu. Ñaxan tsi' yalΛ:

16 “Jiñach xuc'ul b_Λ c t'an mu' b_Λ caj c mel yic'otob che' ñumenix cabal q'uin. Mi caj cotsan c mandar ti' pusic'al”, che'en lac Yum.

17 Tsi' cha' alΛ: “Ma'anic mi caj c chan ña'tabeñob i mul yic'ot i jontolil”, che'en.

18 Che' ñusabilix lac mul, mach chan yomix i majtan Dios cha'an mulil.

La' lac ñochtan lac b_Λ ba'an Dios

19 Jini cha'an, hermanojob, yom ch'ejl lac pusic'al mi lac toj ochel ti jini C'ax Ch'ujul b_Λ Ajñibal cha'an ti' ch'ich'el Jesús.

20 Ti jini tsiji' b_Λ bij, jini cuxul b_Λ tsa' b_Λ i jambeyonla Jesús, mi laj c'axel ti junwejl pisil, jiñach i bac'tal.

21 An lac cha'an c'ax ñuc b_Λ motomaj mu' b_Λ i cantan i cha'año' b_Λ Dios.

22 Jini cha'an la' lac lac'tesan lac b_Λ ba'an Dios ti jump'ejl lac pusic'al. Mach yomic tile bixel lac pusic'al che' mi lac ñop. Yom saq'uesabil lac pusic'al. Yom pocbil lac bac'tal ti yalx b_Λ ja'.

23 La' lac ch_Λn ac' ti lac pusic'al chuqui ñopol lac cha'an woli b_Λ lac pijtan. Come xuc'ul jini tsa' b_Λ i y_Λc'Λ i t'an.

24 La' laj coltan lac b_Λ ti pejtelel chuqui wen, cha'an mi laj c'uxbin lac b_Λ bajche' yom yic'ot wen b_Λ lac melbal.

25 Mach yomic mi laj c_Λy lac tempan lac b_Λ che' bajche' mi' bixel melob lamital. La' lac ch'ejl'esan lac b_Λ. Cojcoj w_Λle che' woli ti l_Λc'tiyel jini cojix b_Λ q'uin che' bajche' woli la' q'uel.

Mi woli lac cha'len mulil cha'an jach la com

26 Mi an majch mi' ch_Λn cha'len mulil cha'an jach yom i pusic'al che' c_Λñ_Λlix i cha'an i sujmllel, wolix i ñusan Cristo tsa' b_Λ i tojbe i mul. Ma'anix majch mi caj i ch_Λn tojben i mul.

27 An jach b_Λb_Λq'uen b_Λ mu' b_Λ i pijtan che' mi caj i tojob i mul ti' c'Λc'al i mich'ajel Dios pejtél i contrajob.

28 Majqui jach tsi' ñus_Λbe i mandar Moisés tsa' ts_Λn_Λs_Λnti che' b_Λ tsi' tsictesayob cha'tiquil uxtiquil testigojob. Ma'anic majch tsi' p'unta.

29 ¿Mach ba ñumeniquix mi caj i toj i mul jini mu' b_Λ i ts'a'len i Yalobil Dios? Che' mi' ñusan jini xuc'ul b_Λ t'an yic'ot i ch'ich'el mu' b_Λ i s_Λq'uesañonla woli' ts'a'len jini Espíritu woli b_Λ i p_Λyonla ti' yutslel i pusic'al. Ña'tanla cab_Λlix i mul jini winic. Cab_Λ mi caj i taj wocol che' mi' toj i mul.

30 La cujil jiñ_Λch lac Yum tsa' b_Λ i y_ΛΛ: “Joñon mij q'uextan jontolil. Joñon mi caj c_Λq'uen i toj”. Tsi' cha' al_Λ: “Lac Yum mi caj i mel i cha'año' b_Λ”.

31 B_Λb_Λq'uen jax muq'uic i y_Λq'ueñonla lac toj lac mul jini cuxul b_Λ Dios.

32 Cha' ña'tanla bajche' tsa' la' mele ti yambΛ ora. Che' bΛ tsa' la' ch'Λmbe isujm, chΛn xuc'uletla yic'ot lac Yum anquese cabΛl jax tsa' la' ñusa wocol.

33 Tsa' wajlentiyetla, tsa' tic'Λntiyetla ti' wut la' pi'Λlob. Yaño' bΛ ti la' tojlel tsi' coltayob jini tic'Λbilo' bΛ.

34 Come tsa' la' p'unta jini tsa' bΛ mΛjquiyob. Che' bΛ tsa' xujch'inti la' chubΛ'an tsa' la' cuchu yic'ot i tijicñΛyel la' pusic'al. Come la' wujil an ñumen wen bΛ la' chubΛ'an ti panchan mach bΛ yujilic jilel.

35 Jini cha'an mach mi la' sΛt i ch'ejlel la' pusic'al, come añΛch ñuc bΛ la' chobejtΛbal woli bΛ la' pijtan.

36 Yom chΛn xuc'uletla ti' cuchol wocol cha'an mi la' taj chuqui tac albil i cha'an Dios che' bΛ tsa'ix la' mele chuqui yom Dios:

37 “Come jumuc' to mi caj i tilel jini tal bΛ. Mach jalix mi caj i tilel.

38 Jini toj bΛ i pusic'al mi caj i taj i cuxtΛlel cha'an tsi' ñopo Dios. Pero mi tsi' cΛyΛ i ñopon mach tijicñayic mi caj j q'uel”, che'en.

39 Pero mach lajalonicla bajche' jini mu' bΛ i cha' cΛy i ñopob, mu' bΛ i majlelob ti c'ajc. Joñonla mi lac ñop Dios mu' bΛ i coltan lac ch'ujlel.

11

Che' mi lac ñop Dios

1 Jini mu' bΛ i ñop Dios, xuc'ul i pusic'al mi' pijtan. Mi' ñop ti isujm tal jini mach bΛ tsiquilic.

2 Che'Λch tsi' ñopoyob Dios jini winicob ti oñiyi. Jini cha'an Dios tsi' q'ueleyob ti uts'at.

3 Cha'an tsa'ix lac ñopo Dios, la cujil tsa' mejli pañimil ti' p'ΛtΛlel jach i t'an Dios. Dios ma'anic tsi'

c'añΛ chuqui tac tsiquil cha'an mi' mel jini pañimil woli bΛ laj q'uel.

⁴ Cha'an tsi' ñopo Dios, Abel tsi' yΛq'ue ñumen wen bΛ i majtan bajche' Caín. Jini cha'an Dios tsi' q'uele ti toj. Tsi' subu uts'at i majtan tsa' bΛ i yΛc'Λ Abel. Anquese tsa' chΛmi Abel woli to i cantesañonla cha'an tsi' ñopo Dios.

⁵ Cha'an tsi' ñopo Dios Enoc ma'anic tsa' chΛmi. Cuxul tsa' pΛjyi letsel ti panchan. Ma'anix majch tsa' mejli i chΛn q'uel, come Dios tsi' pΛyΛ letsel. Ts'ijbubilix uts'at tsa' ajni Enoc yic'ot Dios wΛ' ti pañimil. Tsi' tijicñesΛbe i pusic'al.

⁶ Mi ma'anic mi lac ñop Dios, mach mejlic i q'uelonla ti uts'at. Come majqui jach yom i cΛn Dios, wersa mi' ñop mi an Dios, come jiñΛch mu' bΛ i yΛq'uen i chobejtΛbal majqui jach mi' tsajcan.

⁷ Noé tsi' ñopo Dios. Jini cha'an tsi' jac'be i t'an ba' ora Dios tsi' sube chuqui mi' caj ti ujtel che' maxto tsiquilic. Tsi' mele jini colem barco cha'an mi' coltan pejtelel año' bΛ ti yotot. Cha'an tsi' ñopo Dios, Noé tsi' tsictesΛbeyob i mul pejtelel año' bΛ ti pañimil. Tsa' aq'uenti toj bΛ i pusic'al cha'an mi' yochel ti' cha'an bΛ Dios yic'ot pejtℓel mu' bΛ i ñopob.

⁸ Abraham tsi' ñopo Dios. Jini cha'an tsi' jac'Λ i pΛyol. Tsa' majli i taj i lum tsa' bΛ subenti mi caj i yΛq'uentel. Tsa' loq'ui anquese mach ña'tΛbilic i cha'an baqui woli' majlel.

⁹ Cha'an tsi' ñopo Dios, Abraham tsa' chumle ya' ti jini yajcΛbil bΛ lum che' bajche' tsi' sube lac Yum. Ya' tsa' chumle ti' lumal yambΛ yumΛlob. Tsa' chumle ti pisil bΛ otot che' bajche' Isaac yic'ot Jacob tsa' bΛ aq'uentiyob jini jach bΛ t'an albil bΛ cha'an Dios.

10 Come Abraham tsi' pijta jini tejclum am b_Λ i c'Λclib, chajp_Λbil b_Λ i cha'an Dios, melbil b_Λ i cha'an.

11 Abraham tsi' ñopo Dios. Jini cha'an tsa' mejli i tech i yalobil, anquese cab_Λlix i jabilel. Xñejep'ix Sara ja'el. Pero Abraham tsi' ñopo mi caj i ts'Λctiyel i t'an Dios che' bajche' tsa' subenti.

12 Jini cha'an anquese wen ñoxix Abraham, tsa' ochi ti' tat cab_Λ i p'olbal che' bajche' jini ec' am b_Λ ti panchan, yic'ot i ji'il i ti' colem ñajb mach b_Λ mejlic ti tsijquel.

13 Ti pejtelelob xuc'ul to tsi' ñopoyob Dios c'Λl_Λ che' b_Λ tsa' ch_Λmiyob. Ma'anic tsa' aq'uentiyob chuqui tsa' subentiyob. Tsa' jach i ñajti q'ueleyob cha'an jini albil b_Λ t'an. Tsi' ñopoyob. Tsi' pijtayob. Tsi' y_Λl_Λyob mach i lumalic ili pañimil. Xñumelob jach.

14 Pejtel mu' b_Λ i y_Λlob yamb_Λy_Λch i lumal mi' tsictesañob i b_Λ, come woli' s_Λclañob mero i lumal.

15 Tsa'ic i ña'tayob jiñ_Λch i lumal tsa' b_Λ i c_Λy_Λyob, isujm tsa' mejliyob ti cha' sujtel.

16 Pero tsi' pijtayob jini ñumen wen b_Λ i lumal am b_Λ ti panchan. Jini cha'an ma'anic mi' cha'len quisin Dios che' mi' diosiñob, come tsa'ix i melbeyob i tejclum.

17 Cha'an tsi' ñopo Dios Abraham, tsi' y_Λc'Λ Isaac cha'an i majtan Dios che' b_Λ tsa' il_Λbenti i pusic'al. Jini tsa' b_Λ aq'uenti jini albil b_Λ t'an tsi' y_Λq'ue Dios cojach b_Λ i yalobil ti' majtan.

18 Tsa' subenti Abraham: “Loq'uem ti Isaac mi caj i tilel mero a p'olbal”.

19 Abraham tsi' ña'ta an i p'Λt_Λlel Dios cha'an mi' cha' tech loq'uel ba'an ch_Λmeño' b_Λ. Che' b_Λ tsi'

yΛc'Λ i yalobil, che'Λch tsa' ujti yilal. Tsi' cha' pΛyΛ sujtel.

²⁰ Cha'an tsi' ñopo Dios Isaac, tsi' yΛq'ueyob i yutslal i t'an Jacob yic'ot Esaú. Tsi' subeyob chuqui tac mi' caj ti ujtel.

²¹ Cha'an tsi' ñopo Dios Jacob, tsi' yΛq'ueyob i yutslal i t'an i yalobilob José che' yomix chΛmel. Tsi' c'uchchoco i bΛ i ch'ujutesan Dios che' chucul i cha'an i xΛmbal te'.

²² Cha'an tsi' ñopo Dios José, tsi' yΛc'Λ mandar che' yomix chΛmel cha'an mi' mucob ti' lumal, come tsi' wΛn ña'ta mi caj i loq'uelob ti Egipto.

²³ Cha'an tsi' ñopoyob Dios i tat i ña' Moisés, tsi' mucuyob uxp'ejl uw che' bΛ tsi' yila pañimil i yalobil, come wen uts'at tsi' q'ueleyob. Ma'anic tsi' bΛc'ñayob i mandar rey.

²⁴ Cha'an tsi' ñopo Dios Moisés, che' winiquix, ma'anix tsi' chΛn pejca ti' ña' i yixic'al jini Faraón.

²⁵ Tsi' yΛc'Λ i bΛ i yubin i tic'lΛntel yic'ot i cha'año' bΛ Dios. Ma'anic tsi' yajca cha'an mi' poj tijicñesan i pusic'al jumuc' ti mulil.

²⁶ Tsi' ña'ta ti' pusic'al ñumen an i c'Λjñibal lac tic'lΛntel cha'an Cristo bajche' pejtelel chubΛ'añΛl ti Egipto. Come xuc'ul tsi' pijta i chobejtΛbal.

²⁷ Cha'an tsi' ñopo Dios, tsa' loq'ui Moisés ti Egipto. Ma'anic tsi' bΛc'ñΛbe i mich'ajel rey. Xuc'ul jach tsa' ajni come woli' q'uel yilal jini mach bΛ mejlic laj q'uel.

²⁸ Cha'an tsi' ñopo Dios, tsi' teche Pascua. Tsi' subeyob i pi'Λlob cha'an mi' tsΛnsañob tiñΛme' cha'an mi' tsijcañob ch'ich' ti' ti' i yotot cha'an mi' coltΛntelob jini yΛx alΛlob ba' ora tsa' ñumi i jisañob jini ángel.

29 Cha'an tsi' ñopoyob Dios, tsa' c'axiyob ti jini ChΛchΛc Ñajb che' bajche' ti tiquin lum. Jini egip-tojob tsa' chΛmiyob ti ja' che' bΛ tsi' lon ñopoyob c'axel.

30 Cha'an tsi' ñopoyob Dios, tsa' yajli ts'ajc ti' joytilel Jericó che' ujtemix i joyojtañob wucp'ejl q'uin.

31 Cha'an tsi' ñopo Dios Rahab, am bΛ cabΛl i yixic, ma'anic tsa' jili yic'ot jini xñusa t'añob, come tsi' pΛyΛ ochel jini stsajiyajob cha'an mi' coltañob.

32 ¿Chuqui to yom mic sub? Ma'anic i yorajlel cha'an mic sub chuqui tsi' meleyob Gedeón, Barac, Sansón, Jefté, David, Samuel, yic'ot x'alt'añob.

33 Cha'an tsi' ñopoyob Dios, tsa' mΛjli i cha'añob ti' contra reyob, tsi' cha'leyob chuqui toj, tsi' tajayob chuqui tac albil, tsi' mΛcbeyob i yej bajlum,

34 tsi' yΛpΛyob ts'Λplaw bΛ c'ajc, tsi' puts'tayob i yej espada. Che' c'uñob tsa' p'Λt'esΛntiyob. Tsa' p'Λtayob ti guerra. Che' motocñayob i contrajob ch'oyolo' bΛ ti yambΛ lum, tsi' yajñesayob.

35 An meba' x'ixicob tsa' bΛ i cha' pΛyΛyob jini chΛmeño' bΛ i cha'añob tsa' bΛ cha' ch'ojoyob. Yaño' bΛ tsa' p'ump'un tic'lΛntiyob. Pero ma'anic tsi' jac'Λyob colel, come yomob i taj jini ñumen uts'at bΛ mu' bΛ caj i yΛq'uentelob ba' ora mi' cha' ch'ojoyelob jini chΛmeño' bΛ.

36 Yaño' bΛ tsa' wajlentiob. Tsa' bajbentiyob ti asiyal. Yaño' bΛ tsa' cΛjchiyob ti cadena. Tsa' mΛjquiob.

37 Tsa' jujliyob ti xajlel. Tsa' setuntiyob ti sierra. Tsa' tsΛnsΛntiyob ti espada. LΛpΛl i cha'añob i pΛchΛlel tiñΛme' yic'ot chivo, tsa' pam ñumiyob ti

xΛmbal. Ma'añobic i chubΛ'an. Tic'lΛbilob. CabΛ i wocol.

³⁸ Pero wen uts i pusic'al ti' tojlel jini jontolo' bΛ. Tsiquil mach i lumalic ili pañimil. Tsa' pam ñumiyob ti tiquin lum yic'ot ti wits. Tsa' chumleyob ti ch'en tac yic'ot ti yebal xajlel.

³⁹ Ti pejtelelob tsa' q'uejliyob ti uts'at cha'an tsi' ñopoyob Dios. Pero ma'anic tsa' aq'uentiyob ti pañimil chuqui tsi' pijtayob.

⁴⁰ Come Dios tsi' ña'ta uts'at mi' pijtañob chuqui ñumen ñuc mu' bΛ caj i tajob yic'otonla che' temel mi la cΛq'uentel lac wenlel yic'otob ba' ora mi' ts'actiyel i t'an.

12

Toj yom mi lac tsajcan majlel Jesús

¹ Joyolonla ti cabΛ testigojob che' bajche' colem total. Jini cha'an la' lac junyajlel cΛy pejtelel mu' bΛ i mΛctañonla yic'ot pejtelel mulil mu' bΛ i yΛc'onla ti cΛytΛl. La' lac chΛñ cha'len wersa che' bajche' jini wen yujil bΛ ajñel cha'an mi lac taj jini woli bΛ lac pijtan.

² Toj jach yom mi lac tsajcan majlel Jesús mu' bΛ i yΛq'ueñonla lac ñop. Mi caj i ts'actesΛbeñonla ja'el chuqui mi lac ñop. Jesús ma'anic tsi' xoyo i bijlel ti' tojlel wocol, come tsi' q'uele jini tijicña bΛ woli bΛ i pijtan. Jini cha'an tsi' yΛc'Λ i bΛ ti quisin che' bΛ tsa' chΛmi ti cruz. Tsa' buchle ti' ñoj Dios ya' ti' yumΛntel.

³ Na'tanla bajche' tsi' ñusa wocol che' ts'a'lebil i cha'an xmulilob, ame lujb' aquetla ti wocol ame mi la' lij la' bΛ.

4 Come maxto anic tsa' la' w_Λc'Λ la' b_Λ ti ts_Λns_Λntel ti' cuchol wocol cha'an mi la' contrajin mulil.

5 Tsa'ix ñaj_Λyi la' cha'an bajche' tsi' xic'beyetla Dios che' bajche' mi lac xic'ben la calobil. Tsi' y_ΛΛ: “Calobil, mach a ts'a'len i ju's_Λntel a pusic'al ti lac Yum. Mach a lij a b_Λ che' mi' tiq'uet lac Yum.

6 Come lac Yum mi' ju's_Λben i pusic'al majqui jach mi' c'uxbin. Mi' toj'esan pejtelel mu' b_Λ i yotsan ti' yalobil”, che'en.

7 Mi woli la' cuch ti uts'at i ju's_Λntel la' pusic'al, Dios woli' q'ueletla che' bajche' i yalobil. Come wersa mi' ju's_Λbentel i pusic'al pejtelel al_Λ c'uxbibil b_Λ i cha'an i tat.

8 Mi ma'anic mi' ju's_Λbeñet la' pusic'al, che' bajche' lac tilel ti' tojlel lac tat, mach i yalobileticla. Yañ_Λch b_Λ la' tat.

9 Come lac tatob ti pañimil tsi' ju's_Λbeyonla lac pusic'al. Tsa' lac ch_Λn q'ueleyob ti ñuc. ¿Mach ba yomic ñumen mi lac ch'ujbiben i t'an lac Tat ti panchan cha'an cuxul mi la cajñel?

10 Isujm ya cha'p'ejl uxp'ejl jach jab lac tat tsi' ju'sayob lac pusic'al che' bajche' tsi' bajñel ña'tayob ila ti pañimil. Pero Dios mi' ju'san lac pusic'al cha'an mi la cochel ti ch'ujul che' bajche' ch'ujul Dios, cha'an mi lac taj lac wenlel.

11 Isujm mach tijicñayic mi la cubin che' an majqui mi' ju's_Λbeñonla lac pusic'al. Poj ch'ijiyem mi la cubin. Pero ti wi'il mi' y_Λc' ti p'ojlel toj b_Λ lac pusic'al yic'ot i ñ_Λch't_Λlel lac pusic'al che' b_Λ tsa'ix lac jac'Λ ti uts'at.

C_Λntan la' b_Λ cha'an ma'anic majch mi' c_Λy i yutslel i pusic'al Dios

12 Jini cha'an p'ʌtesan c'un bʌ la' c'ʌb. P'ʌtesan c'un bʌ la' pix.

13 Pʌʌ toj bʌ bij ame yajlic jini q'uichq'uichña bʌ mi' cha'len xʌmbal. La'p'ʌtac.

14 Chʌn cha'lenla wersa cha'an mi la' wajñel ti ñʌch'ʌl yic'ot pejtelel winicob x'ixicob. Ñopola ajñel ti ch'ujul, come jini mach bʌ ch'ujulic ma'anic mi caj i q'uel lac Yum.

15 Tsajiletla ame anic juntiquil ti la' tojlel mu' bʌ i ñusʌben i yutslel i pusic'al Dios. Cʌntan la' bʌ ame anic jini ch'aj bʌ mu' bʌ i tech mich'ajel ti la' pusic'al ame i bib'esʌbeñob i pusic'al cabʌlob.

16 Tsajiletla ame anic majch mi' taj i yixic, ame anic majch mi' ts'a'len jini albil bʌ i cha'an Dios che' bajche' Esaú. Tsi' choño i yʌscuñil che' an i wi'ñal cha'an mi' poj taj i bʌl i ñʌc'.

17 Come la' wujil, che' yom i ch'ʌm bendición ti wi'il, ma'anic tsa' mejli. Anquese tsi' mele i pusic'al ti uq'uel, ma'anix tsa' mejli i mel i bʌ.

18 Come mach pʌybileticla ti wits che' bajche' israelob ba' mi la' wubin c'ajc, yic'ot sutujt ic', yic'ot ic'yoch'an bʌ pañimil, yic'ot bʌbʌq'uen bʌ ja'al,

19 yic'ot i t'an trompeta, yic'ot i t'an Dios. Jini tsa' bʌ i yubiyob jini t'an tsi' c'ajtibeyob Moisés ti wocol t'an cha'an ma'anic mi' chʌn pejcañob Dios.

20 Come mach kujchic i cha'añob che' bʌ tsa' subentiyob wersa mi caj i jujlel ti xajlel majqui jach mi' tʌl jini wits, mi winic mi aʌc'ʌl.

21 C'ax bʌbʌq'uen chuqui tsi' q'ueleyob. Moisés tsi' yʌʌ: “Woli' toj sajtel c pusic'al. Tsiltsilñayon ti bʌq'uen”, che'en.

22 Pero jatetla tsa'ix c'otiyetla ti wits i c'aba' Sion, i tejclum jini cuxul b_Λ Dios, jini Jerusalén am b_Λ ti panchan ba' temp_Λbilob bajc'Al ángelob.

23 Tsa'ix c'otiyetla ba' temp_Λbilob y_ΛX a_Λl b_Λ i yalobilob Dios ts'ijbubil b_Λ i c'aba' ti panchan. Ya'an Dios mu' b_Λ i mel pejtelel winicob. Ya' añob i ch'ujlel toj b_Λ winicob tsa' b_Λ cha' mejliyob ti uts'at.

24 Tsa'ix c'otiyetla ba'an Jesús, jini tsa' b_Λ i y_Λq'ueyonla jini tsijib xuc'ul b_Λ t'an ba' tsijcabil i ch'ich'el cha'an mi' ñus_Λntel lac mul. Ñumen uts'at i ch'ich'el come ma'anic mi' c'ajtin i q'uexol che' bajche' i ch'ich'el Abel.

25 Tsajiletla ame la' ñusan lac Yum woli b_Λ ti t'an. Come tsi' wersa tojoyob i mul jini israelob che' b_Λ tsi' ñus_Λbeyob i t'an Moisés i winic Dios w_Λ' ti pañimil. Ñumen mi caj lac toj joñonla mi woli lac ñusan Dios mu' b_Λ i pejcañonla ya'ti panchan.

26 Che' b_Λ tsi' cha'le t'an Dios ya' ti wits tsi' ñijca pañimil ti' t'an. Pero w_Λle che' b_Λ tsi' y_Λq'ueyonla i t'an tsi' y_ΛΛ: “Junyajl to mi caj c ñijcan pañimil yic'ot panchan, mach jinic jach pañimil”. Che' tsi' y_ΛΛ.

27 Che' b_Λ tsi' y_ΛΛ: “Junyajl to”, tsi' y_Λq'ueyonla lac ña'tan mi' caj ti q'uext_Λyel jini melbil tac b_Λ yujil b_Λ ñijc_Λyel, cha'an mi' jalijel chuqui tac mach yujilic ñijc_Λyel.

28 La' lac ch_Λn suben Dios wocolix i y_ΛΛ cha'an woli la cochel ti' yum_Λntel mach b_Λ yujilic ñijc_Λyel. La' lac ch'ujutesan Dios ti uts'at yic'ot pejtél lac pusic'al yic'ot b_Λq'uen.

29 Come Dios yujil jisaya che' bajche' c'ajc.

13

Bajche' yom mi' yajñelob hermanojob

¹ Ch_Λn c'uxbin la' b_Λ, come hermanojetla ti Cristo.

² Mach ñaj_Λyic ti la' pusic'al la' p'untan jini xñumelob mach b_Λ ç_Λñ_Λlobic la' cha'an. An i tajol tsi' m_Λc'layob ángelob lac tatob che' mach ç_Λm_Λbilob_Λ i cha'añob.

³ Coltanla jini x_m_Λj_Λquelob. P'untañob che' bajche' la' wom p'unt_Λntel ya'ic añetla ti m_Λj_Λquib_Λ. Ña'tanla jini woliyo' b_Λ ti wocol che' bajche' jatet_Λchla woli b_Λ la' wubin wocol.

⁴ Ña'tanla uts'at ñujpuñel, uts'at mi' p_Λy i yijñam winic. Yom xuc'ul mi' pi'leñob i b_Λ. Come majqui jach mi' taj i yixic, mi an i yijñam, o mi ma'anic i yijñam, Dios mi caj i mel.

⁵ Mach mi la' ts_Λjyun taq'uin. Yom tijicña mi la' wajñel yic'ot chuqui tac an la' cha'an. Come Dios tsi' y_ΛΛ: “Ma'anic mi caj a ç_Λy_Λtal ti meba'. Ma'anic mi caj j ç_Λy_Λt”, che'en.

⁶ Jini cha'an, yom ch'ejl lac pusic'al mi lac sub: “Lac Yum jiñ_Λch caj Coltaya. Ma'anic mi caj c b_Λc'ñan chuqui mi' tumbeñon winicob”, cho'onla.

⁷ Ña'tanla jini x_c_Λntayajob la' cha'an tsa' b_Λ i subeyetla i t'an Dios. Ña'tanla jaytiquil la' pi'lob tsa' b_Λ i tajayob i wenlel ti chajp ti chajp ti' tojlelob. Ñopola Dios che' bajche' tsi' ñopoyob.

⁸ Jesucristo junlajal_Λch ac'bi yic'ot w_Λle yic'ot ti pejtelel ora.

⁹ Mach mi la' w_Λc' la' b_Λ cha'an mi la' jac' yamb_Λ ç_Λntesa am b_Λ i sajtemal ti chajp ti chajp. Come mi lac taj i xuc'talel lac pusic'al cha'an i yutslel i

pusic'al Dios, mach cha'anic we'elΛ. Mi woli laj c'ux we'elΛ o mi ma'anic woli laj c'ux, ma'anic mi' coltañonla ti tojlel Dios. Tsa' jiliyob jini tsa' bΛ i jac'Λyob ili cAntesa cha'an i bΛ ñΛc'Λ.

¹⁰ An pulantib lac cha'an, jiñach i cruz Cristo ba' mach mejlic i coltantel jini mu' bΛ i chΛn ñop i coltan i bΛ ti' jac'ol jini mandar.

¹¹ Jini c'ax ñuc bΛ motomaj tsi' ch'ΛmΛ ochel i ch'ich'el alΛc'Λ ti Ch'ujul bΛ Ajñibal cha'an i ñusAntel mulil. Tsi' puluyob i bΛc'tal alΛc'Λ ti junwejl i ti' tejclum.

¹² Che' ja'el Jesús tsi' yubi wocol ti junwejl i ti' tejclum cha'an mi' sΛq'uesañonla ti' bajñel ch'ich'el.

¹³ Jini cha'an la' lac lac'tesan lac bΛ ba'an Jesús ti junwejl i ti' tejclum. La' laj cuch lac ts'a'lentel che' bajche' Jesús.

¹⁴ Mach wΛ'ic an lac tejclum. Pero woli lac sajcan jini tal to bΛ tejclum yujil bΛ jalijel.

¹⁵ Jini cha'an che' coltΛbilonla cha'an Jesús, la' lac chΛn sub i ñucllel Dios ti' tojlel winicob. Jiñach mero i majtan.

¹⁶ Mach yomic mi' ñajΛyel ti la' pusic'al i melol chuqui uts'at cha'an mi' la' coltan la' pi'Λlob, come jiñach i majtan Dios uts'at bΛ mi' q'uel.

¹⁷ Jac'benla i t'an xcAntayajob la' cha'an. Otsan la' bΛ ti' wenta come añob i ye'tel cha'an mi' wen pΛsbeñetla i bijlel la' coltantel. Wersa mi' caj i subob i bΛ ti' tojlel Dios. Mi uts'at mi' la' jac'ob tijicña mi' caj i subob. Pero mi' wola' wΛq'ueñob i ch'ijiyemlel i pusic'al mach che'ic mi' la' taj la' wenlel.

18 Yom mi la' tajon lojon ti oración. Cujil lojon ma'anic c mul lojon ti la' tojlel. Come ti pejtelel lojon c pusic'al com c mel lojon chuqui uts'at.

19 La' wocolic cha'lenla oración cha'an mach ch_{AN} jalix mic cha' tilel ba' añetla.

Cortesía tac

20 Dios_{ACH} mu' b_Λ i ñ_{ACH}ch'chocoñonla. Tsi' teche loq'uel lac Yum Jesucristo ba'an ch_{AME}ño' b_Λ. Jiñ_{ACH} ñ_{UC} b_Λ X_{CANTA} tiñ_{AME}'. Tsi' beq'ue i ch'ich'el cha'an i sellojlel jini xuc'ul b_Λ t'an mach b_Λ anic mi' jilel.

21 La' i y_{ΛQ}'ueñetla pejtelel chuqui anto yom la' cha'an, cha'an mi la' mel ti pejtelel ora chuqui yom Dios. La' i mel i ye'tel Dios ti jatetla ti'p'_{ATALEL} Cristo che' bajche' mi' mulan. La' tsictiyic i ñ_{UCLEL} Cristo ti pejtelel ora. Amén.

22 A wocolic hermanojob, yom uts'at mi la' jac' la' xic'bentel, come ts'ita jach tsac ts'ijbubeyetla.

23 Ña'tanla librejix la quermano Timoteo. Mi mach jalix mi' julel ilayi, ya' talon ti jula' quic'ot.

24 Aq'uenla cortesía pejtelel x_{CANTAYAJOB} la' cha'an, yic'ot pejtelel i cha'año' b_Λ Dios. Mi' y_{ΛQ}'ueñetla cortesía jini ch'oyolo' b_Λ ti Italia.

25 La' ajnic i yutslel i pusic'al Dios la' wic'ot ti la' pejtelel.

I T'an Dios
Bible without Deuterocanon in Chol Tumbala; ctu
(MX:ctu:Chol)

copyright © 1977 Wycliffe Bible Translators, Inc.

Language: Chol

Translation by: Wycliffe Bible Translators, Inc.

Chol, Tumbalá [ctu], Mexico

Copyright Information

© 1977, Bible League International

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

The Bible without Deuterocanon

in Chol

© 1977, Bible League International

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-04-22

PDF generated using Haiola and XeLaTeX on 18 Apr 2025 from source files
dated 29 Jan 2022

45de077a-5b47-572a-bd9d-72438a3be945